

## Ca Hmai – Laakhrak Sianginn Pawngkam Humhimnak Nawlchuahnak (Fact sheet - Immediate School Community Safety Order)

### Laakhrak Sianginn Pawngkam Humhimnak Nawlchuahnak nih zeidah a tuah?

Sianguk pawl le Fimthiamnak le Chimhcawnpiaknak Zungtthen ii rianttuantu asimi pawl cu 'nawIngeitu minung' tiah auh ansi. Sianginn na kal tik ah silole na luh tik ah an mah pawl nih nangmah caah zulh a haumi Nawlchuahnak sernak nawl(power) an ngei.

Nawlchuahnak nih sianginn hmun pawl silole sianginn cawlcanghnaak a umnak hmun ah luhnaak silole umnak in an in dir ter. Nawlchuahnak ah a dikthlir in Nawlchuahnak a phak lonak zeitik caan, khoikaa hmun timi pawl an i tel kho.

Sianginn Pawngkam Humhimnak Nawlchuahnak pawl cu [kaa hin](#) ah hmuh khawh ansi. Sianginn Pawngkam Humhimnak Nawlchuahnak nih zeidah a tuah timi naa fiannak bawm tu ding ah [kaa hin](#) ah video na zoh khawh.

### Zeicandah Laakhrak Nawlchuahnak cu a rauh lai?

Nawlchuahnak nih hi nawlchuahmi pawl hi zeican dah an rauh lai timi zong an chimh lai. A sau bik Nawlchuahnak caan cu ni 14 a rau kho.

### Ka fa sianginn ah a um ahcun, Laakhrak Nawlchuahnak ka zulh a hauh mi nih zeidah a can ter lai?

Nawlchuahnak nih na fa zeitindah a hnorsuan lai timi le zeitindah na zohkhenhnaak hna a hnorsuan lai timi ralring tein a ruah. Nawlchuahnak cu na fa le na zohkhenhnaak hna in dir ding silole an fimthiamnak ah i tel ti lo ding tinak caah asi lo.

Nawlchuahnak pek na si hnu in a rauh hlaan ah sianginn nih 'Pehlaihnaak le Hmannaknawl peknak Protocol' an in pek lai. Hi nih hin a tuah lai:

- Na fa fimthiamnak kong zeitindah chimh khawh na si lai
- Zeitindah na fa nih sianginn kainak ah le sianginn cawlcanghnaak pawl ah him tein aa tel khawh lai
- Na fa ttha tein bawmhnaak le zohkhenhnaak peknak caah zeidah an tuah lai.

### Laakhrak Nawlchuahnak ka lungtlinlo ahcun zeidah a cang lai?

Nawlchuahnak a sertu nawIngeitu minung hna nih zokzok in Nawlchuahnak cu an zohththan hrim lai cu hnu ah 'Sianginn Pawngkam Humhimnak Nawlchuahnak Pehzulh' ding asi ma silole Nawlchuahnak laaktthan awk dah asi timi ruahnaak an ser lai. Nawlpeknak Pehzulh kong thawngpang tamdeuh cu Fimthiamnak le Chimhcawnpiaknak Zungtthen website [kaa hin](#) ah hmuh khawh asi.

Zeiruung ah dah na tuah, zeitindah nangmah silole na fa cung ah a hnorsuan lai timi silole theih an herh mi vialte zeitikcaan paoh ah langhternak na tuah khawh. Abianabia ah, na fa cu tlamtlinlonak a ngeih nak kong chimh na duh kho men cu ti cun an sianginn kainak ah na bawmhnaak pehzulh in na pek hrim hna a hauh an theih lai.

Ttialmi langhternak cu email in silole nawlgeitu minung sin ah cakuat in pek khawh asi. Fimthiamnak le Chimhcawnpiaknak Zungtthen websit ii pungsaa(template) na hman khawh [kaa hin](#).

Langhternak ttial na duh lo ahcun, holh in langhternak na hal khawh. Nangmah caah langhternak caah minung pakhat khat na hal khawh tthiam hna, na tlamtlinlonak bawmtu minung silole holhle piaktu tibantuk.

**Nawlchuahnak ka zulh lo ahcun zeidah a cang lai?**

Nawlchuahnak ah sermi zulkhpung pawl na zulh lo ahcun, sianginn nih Nawlchuahnak na zulh nak hnga Magistrate Biaceihzung ah an sok khawh.

Magistrate Biaceihzung nih Nawlchuahnak zulhnak ah na palh an hmuh ahcun, an tuah khawh:

- Dantat man na liam ding halnak
- Nawlchuahnak na zulh ding halnak
- Nawlchuahnak zulh ding ah a fiangmi(specific) tuahsernak halnak
- Biaceihzung nih aa tlak tiah ruahmi zeithil paoh na tuah ding in halnak.

Nawlchuahnak zulh lo ruang ah thong na tla lai lo, sualnak cazin(criminal record) na ngah lai lo silole sualnak dantatnak(criminal penalty) na ing lai lo.

**Calettu/holhlettu silole a dang bawmhnak ka herh ahcun zeidah a cang lai?**

Calettu, holhlettu silole bawmtu minung na herh ahcun, bawmhnak ngahnak ah an bawm kho tu sianginn-uk na chimh khawh.

Na fa cu cozah sianginn ah a kai ahcun, bawmhnak tam deuh ngahnak caah ramchung zung Fimthiamnak le Chimhcawnpiaknak Zungtthen na pehtlaih khawh.

Chak Nichuah lei Victoria Phone: 1300 333 231 Email: <a href="mailto:nevr@education.vic.gov.au">nevr@education.vic.gov.au</a>	Chak Nitlak lei Victoria Phone: 1300 338 691 Email: <a href="mailto:nwvr@education.vic.gov.au">nwvr@education.vic.gov.au</a>
Tlang Nichuah lei Victoria Phone: 1300 338 738 Email: <a href="mailto:sevr@education.vic.gov.au">sevr@education.vic.gov.au</a>	Tlang Nitlak lei Victoria Phone: 1300 333 232 Email: <a href="mailto:swvr@education.vic.gov.au">swvr@education.vic.gov.au</a>

**Thawngpang tam deuh ka duh ahcun tah?**

Thawngpang tam deuh ngahnak caah Fimthiamnak le Chimhcawnpiaknak Zungtthen website [kaa hin](#) ah na kal kho.